



LAPORAN LIPUTAN MEDIA

ISNIN / 29 APRIL 2019

- 1. SERTAKAN BUKTI PEMBELIAN BENIH PADI**
 - **UTUSAN MALAYSIA**
- 2. BENIH PADI SAH KURANG JADI PUNCA**
 - **UTUSAN MALAYSIA**

DISEDIAKAN OLEH :
CAWANGAN KOMUNIKASI KORPORAT
(MADA)

KERATAN AKHBAR : UTUSAN MALAYSIA

TARIKH : 29 APRIL 2019

PERKARA : PERTANIAN

■ BIL 101 TAHUN KE-55 ■ PP362/12/2012 (031409) ■ RM1.50 (SEMANJUNG/SABAH/SARAWAK)

MINDA RAKYAT

80
1939-2019
PELAKSANAAN
PERUBAHAN

UTUSAN MALAYSIA

ISNIN 29.04.19 23 SYAABAN 1440



**Hari terakhir promosi wajah baharu
Utusan Malaysia Edisi Timur meriah »8**

Baik pulih atau bina semula flat lebih 30 tahun

DUA PILIHAN

» Kementerian Perumahan dan Kerajaan Tempatan bincang dengan semua kerajaan negeri baik pulih atau bina semula rumah flat berusia lebih 30 tahun.

» Dasar Perumahan Negara tetapkan pembangunan semula flat seumpama itu.

» Ia susulan keretakan serius pada struktur rumah flat Taman Keramat Permai, Ampang Jaya sehingga blok dilihat condong.

» Lebih 200 penghuni dipindahkan ke SMK Taman Keramat.

BERITA DI MUKA 2



Gugur perkataan agama dalam kad pengenalan diperhalusi »6

“ Saya kena pandang perkara ini dengan teliti, sama ada wajar atau tidak wajar. Ada pandangan mengatakan cadangan YB Senator itu (Nga Hock Cheh) bertentangan dengan Perlembagaan, pasal ada melibatkan hak keistimewaan Melayu, iaitu adalah untuk membezakan orang Melayu dan bukan Melayu dan lain-lain.”

TAN SRI MUHYIDDIN YASSIN
Menteri Dalam Negeri



Kemalangan negeri di Tapah, 2 maut »7



'PADI HANTU' Tanggungjawab di tangan pesawah

Ekspresif

- Hanya pesawah boleh menyelamatkan tasetan padi negara daripada dijumuhkan oleh serangan 'padi hantu'.
- Kekurangan berih dan harga murah jadi punca petani ambil berih tak sah walaupun tahu risikonya.

BERITA DI MUKA 3



SENYUM KAMBING
Kerajaan mahu baik pulih atau bina semula flat lebih 30 tahun.

Usaha bagair

Budak 3 tahun mati terlungkup di dalam baldi »5



Bantu pihak berkuasa banteras broker haram

Sertakan bukti pembelian benih padi

Eksklusif

Oleh **ZULHILMI ZAINAL**
 pengarang@utusan.com.my

■ KUALA LUMPUR 28 APRIL

PESAWAH di seluruh negara disaran mendapatkan bukti pembelian daripada mana-mana pembekal benih padi bagi tujuan mengesan sekali gus membanteras ejen dan orang tengah yang menawarkan benih tidak berkualiti.

Mereka perlu bertindak serta mendesak broker 'guni putih' menyediakan resit pembayaran lengkap untuk tujuan rekod atau bukti sebagai perediaan sekiranya timbul sebarang masalah berkaitan tanaman.

Ketua Pengarah Pertanian, Datuk Jamal Harizan Yang Razali berkata, pihaknya berhadapan masalah mengambil tindakan terhadap pelaku disebabkan ketiadaan bukti.

"Kita langsung tidak kenal siapa broker berkenaan. Jadi, amat sukar untuk kita bertindak kerana yang lebih kenal orang tengah ini adalah pesawah.

"Sebab itu kita minta mereka memulakan langkah dengan meminta resit setiap kali membeli benih daripada pembekal supaya kita dapat menyelesaikan masalah pengedaran benih



KERATAN *Mingguan Malaysia* semalam.

padi tidak sah termasuk tidak berkualiti," katanya ketika dihubungi *Utusan Malaysia* di sini hari ini.



JAMAL HARIZAN

Mingguan Malaysia hari ini mendedahkan berhubung kemelut isu pembekalan benih padi tidak sah kepada pesawah menjadi lebih kronik apabila didapati wujud 'orang tengah' yang dikesan mengaut keuntungan besar dengan membekalkan benih padi berpenyakit atau lebih dikenali sebagai 'padi hantu'.

Jamal Harizan juga menegaskan, pesawah yang terkesan harus belajar daripada kesilapan lalu dan ia perlu dimulakan dengan langkah dengan hanya membeli benih padi dengan pembekal yang sah sahaja.

"Kalau pesawah beli benih yang sah, namun masih timbul masalah tidak menjadi, serangan penyakit dan sebagainya melalui prosedur, kita akan terus minta syarikat terlibat den-

gan pembekalan menggantikan benih berkenaan (mengikut peratus tertentu).

"Dalam kes di Pulau Pinang sebelum ini, ada benih padi pesawah yang tidak naik (bercambah), kita terus ganti dengan yang lain. Itu bezanya apabila pesawah berurusan dengan pembekal sah dan tidak sah," ujarnya.

Tambahnya, bantuan daripada pesawah ini bukan sahaja dapat menjamin kestabilan industri padi negara bahkan melindungi pesawah daripada terus menanggung kerugian akibat ketamakan segelintir pihak yang mahu mengaut keuntungan semata-mata.

"Inisiatif ini bermula daripada pesawah, saya yakin kerjasama serta aduan yang disalurkan petani akan membolehkan dalang terlibat dikenakan tindakan sewajarnya," ujarnya.

Jamal Harizan menegaskan, pihaknya atau agensi berkaitan memberi jaminan tidak akan berkompromi terhadap mana-mana pihak yang terlibat dengan aktiviti menjual benih tidak sah termasuk syarikat yang dilantik menerusi kontrak oleh kerajaan.

KERATAN AKHBAR : UTUSAN MALAYSIA

TARIKH : 29 APRIL 2019

PERKARA : PERTANIAN

DALAM NEGERI 3

29 April 2019 Utusan Malaysia

Benih padi sah kurang jadi punca

ALOR SETAR 28 April - Benih padi tidak sah yang berpenyakit atau lebih dikenali 'padi hantu' mendapat permintaan tinggi bukan sahaja disebabkan harganya murah, tetapi permintaan itu meningkat ekoran kekurangan benih padi sah di pasaran.

Menurut Pengerus Badan Bertindak Petani Lembaga Kemajuan Pertanian Muda (MADA), Che Ani Mat Zain, kesukaran mendapatkan benih padi

sah menyebabkan ada pihak yang mengambil kesempatan untuk menipu pesawah bagi mengaut keuntungan.

Katanya, sebagai contoh pada dua tahun lalu, kerajaan menyediakan peruntukan tambahan sebanyak RM25 juta bagi membiayai Program Insentif Benih Padi Sah yang bertujuan mengurangkan harga benih tersebut.

"Tetapi, pesawah masih terpaksa membeli benih padi tersebut dengan harga antara RM48 ke RM53 bagi setiap kimpit 20 kilogram, persoalannya siapa yang dapat subsidi itu. Jadi, tidak hairan jika pesawah terpaksa menggunakan benih padi tidak sah bagi mengurangkan kos mereka.

"Ini sama sekali berbeza pada zaman 80-an apabila Jabatan Pertanian, MADA dan Institut Kemajuan dan Penyelidikan Pertanian (MAR-DI) berperanan dengan baik dalam penyediaan benih padi berkualiti pada harga yang berpatutan," katanya kepada *Utusan Malaysia* di sini hari ini.



CHE ANI MAT ZAIN

Beliau mengulas laporan akhbar ini tentang kemelut isu pembekalan benih padi tidak sah kepada pesawah yang menjadi lebih kronik apabila didapati wujud 'orang tengah' yang mengaut keuntungan besar dengan membekalkan benih berpenyakit.

Mengulas lanjut, Che Ani berkata, pihak berkaitan termasuk MADA perlu menyediakan benih padi berkualiti yang mencukupi untuk keperluan pesawah bagi mengatasi masalah penggunaan 'padi hantu' di negara ini.

Sambil mengakui penggunaan benih berpenyakit itu di kawasan MADA agak serius, beliau mencadangkan kerajaan memberikan peruntukan kepada agensi terlibat untuk membangunkan tapak benih padi sendiri tanpa mengharapkan daripada pembekal swasta semata-mata.

"Malah, apa yang lebih penting dalam isu ini, kerajaan perlu mewujudkan garis panduan atau undang-undang ketat kepada mana-mana pihak atau syarikat yang ingin menyediakan benih padi kepada pesawah bagi mengelak pihak tidak bertanggungjawab mengambil kesempatan.

"Pihak MADA juga perlu memperbaiki peranan pegawai-pegawai mereka supaya dapat membantu pesawah-pesawah daripada menjadi mangsa penipuan ejen, broker atau orang tengah dalam isu ini," katanya yang turut menghargai usaha *Utusan Malaysia* mengetengahkan isu tersebut.